

Sesioni 20: Priftëria e Çdo Besimtari

Në këtë sesion ju do të zbuloni çfarë na mëson Bibla mbi autoritetin e çdo besimtari, i cili duhet të bëjë punët e shërbesës dhe të bëjë dishepuj.

Zemra e Drejtuesit (40 min)

- ☐ Adhuroni së bashku në grup të madh.
- ☐ Kërkojuni pjesëmarrësve të ndahen në grupe prej 3-4 personash dhe të diskutojnë pyetjet e mëposhtme:
 - Çfarë po mësoni mbi të qëndruarin në Krishtin? Si po e praktikoni të qëndruarin në Të përmes Fjalës së Tij, lutjes, bindjes, LKN, marrëdhënieve dhe qëndrimit së bashku?
 - A keni ndonjë konflikt të pazgjidhur akoma?
 - Në cilat fusha të jetës e keni të vështirë bindjen ndaj Zotit?
 - Çfarë ndodhi ndërsa i besuat Zotit qëllimet tuaja nga takimi i kaluar?

Dhënia e Vizionit për Zembrën

Lexoni Psalmin 63:1-5. Mbreti David është përshkruar shpesh si një njeri sipas zemrës së Zotit. Megjithëse ai bëri shumë gabime dhe dështoi shumë herë, një gjë ishte e pandryshueshme për të gjatë gjithë jetës së tij, Davidi e kërkoi me pasion marrëdhënien e thellë me Perëndinë. Ai e derdhi zemrën e vet në lavdërim, adhurim dhe lartësim, si rrjedhojë e rrëfimit, dobësisë dhe dorëzimit. Për ne ekziston gjithmonë rreziku që të bëhemi të vetëkënaqur dhe marrëdhënia me Perëndinë të kthehet në një rutinë të zakonshme. Megjithëse mund të jemi të sigurt në atë që besojmë rreth Perëndisë, ne mund të harrojmë që ai nuk është një send apo një bestytini, por është një person, ai është Ati ynë i dashur Qiellor, i cili dëshiron që ne të kemi mall për të. Ndërsa rritemi në njohjen e Perëndisë, le të rritemi në marrëdhënien personale me të, duke e kërkuar atë me gjithë zemër dhe shpirt.

Kremtimi i Besnikërisë (20 min)

[SHËNIM: Kremtoni Besnikërinë në grup të madh në mënyrë që të gjithë të përfitojnë dhe të inkurajohen.]

- ☐ Jepuni mundësi pjesëmarrësve të ndajnë me të tjerët çfarë u ka ndodhur që nga hera e fundit që jeni takuar. Kërkojuni atyre ta lidhin ndarjen me qëllimet e takimit të kaluar.

Hekuri-hekurin: Mprehja e Vetvetes dhe e të Tjerëve (45 min)

Fjalët e Urta 27:17 “Hekuri mpreh hekurin, kështu njeriu mpreh fytyrën e shokut të tij.”

- ☐ Kërkojuni të gjithëve të ndahen sipas grupeve të tyre Hekuri-Hekurin, të skicojnë rrjetin e tyre të komuniteteve të misionit dhe të kishave, dhe më pas të ndajnë dhe vlerësojnë njëri-tjetrin në grupet e tyre.
 1. Çfarë po shkon ashtu si duhet?
 2. Çfarë nuk po shkon si duhet? Cilat janë pengesat me të cilat po përballeni?
 3. Cilat janë disa zgjidhje të mundshme nga anëtarët e tjerë të grupit?
 4. Çfarë duhet të bëni për të shtuar karakteristikat që mungojnë në secilin grup?
 5. Ku do ta filloni një grup të ri apo një kishë gjatë këtij muaji?
- ☐ Kërkojuni të vendosin objektiva për përmirësim nga ky vlerësim dhe t'i ndajnë ato me grupin e tyre të vogël. Më pas kërkojuni të luten për njëri-tjetrin.

Mësimi i Ri (45-60 min)

Tema: Përse është e rëndësishme dhe e frytshme të dimë çfarë mëson Bibla mbi identitetin dhe autoritetin e çdo besimtari që shërben dhe bën dishepuj?

- ☐ Kërkojuni pjesëmarrësve të ndahen në grupe të reja prej 4-5 vetash (ose mund të vazhdojnë në grupet e tyre Hekuri-Hekurin)
- ☐ Në seksionin në vazhdim, kërkojini çdo grupi të caktojnë nga një pasazh për çdo person në grup. Secili duhet të lexojë pasazhin dhe t'i tregojë grupit çfarë mësojnë prej tij.

Studim Biblik Zbulues – Priftëria e çdo besimtari

Seksioni 1: Të gjithë Besimtarët janë Priftërinj

Të gjithë Besimtarët janë Priftërinj: 1 Pjetrit 2:5,9; Zbulesa 1:6, Zbulesa 5:9-10

Gra dhe Burra: Veprat e Apostujve 1:12-14; Veprat e Apostujve 2:1-4, 17-18

Besëlidhja e Re: Luka 22:20, Hebrenjve 8:10-11

Ndryshe nga Fetë e tjera: Mateu 20:25-28, 1 Pjetrit 2:9

Marrëdhënia jonë me Jezusin si Kryepifti: Hebrenjve 2:17-3:1, 4:14-16

Ne jemi Tempulli i Perëndisë: 1 Pjetrit 2:4-10, 1 Korintasve 6:19-20, 2 Korintasve 6:16

- ☐ Pasi të kenë ndarë të gjithë vargjet që u janë caktuar, kërkojini çdo personi të grupit të thotë:
 - o Çfarë u tërhoqi vëmendjen (ose çfarë ju pëlqeu më shumë)? Përse?
 - o Si mund ta përmbledhni atë që ka bërë Perëndia?

Përmbledhje: Në Dhiatën e Vjetër, vetëm pak njerëz mund të shërbenin si priftërinj, të kishin hyrje të lirë te Perëndia, të ndërhynin për njerëzit e tjerë dhe të jepnin mësim mbi Fjalën e Perëndisë. Tani, përmes Besëlidhjes së Re, të gjithë besimtarët kanë Shpirtin e Shenjtë dhe janë priftërinj. Kjo përfshin edhe burrat edhe gratë. Priftëria jonë është ndryshe nga fetë e tjera sepse të gjithë besimtarët janë priftërinj dhe mund të shërbejnë. Në vend që të kemi një tempull ose një vend të caktuar ku shërbejnë priftërinjtë, të gjithë besimtarët përbëjnë vendbanimin e Perëndisë përmes Shpirtit të Shenjtë, i cili jeton brenda secilit prej nesh. Priftëria jonë bazohet në të paturin e një qëndrimi shërbëtor-drejtues.

Seksioni 2: Roli ynë si priftërinj

I shërbejmë Perëndisë në një mënyrë të re: Romakëve 7:6, Hebrenjve 9:14, Zbulesa 1:6

Sakrificë e Gjallë: Romakëve 12:1-8, 1 Pjetrit 2:4-6

Shërbesa e Pajtitimit: 2 Korintasve 2:14-3:18, 5:18-20

Ndarja e Ungjillit: Romakëve 15:16

Bërja e Dishepujve, Pagëzimi, Mësimdhënia: Mateu 28:18-20, Luka 22:19

Lutja dhe Ndërmjetësimi: Hebrenjve 10:19-22, 1 Timoteut 2:1-2

- ☐ Pasi të kenë ndarë të gjithë vargjet që u janë caktuar, kërkojini çdo personi të grupit të thotë:
 - o Çfarë u tërhoqi vëmendjen (ose çfarë ju pëlqeu më shumë)? Përse?
 - o Si mund ta përmbledhni rolin e të gjithë besimtarëve?

Përmbledhje: Një prift është shërbëtor i Perëndisë dhe më pas shërbëtor i të gjithë njerëzve. Të gjithë besimtarëve u është dhënë autoriteti t'i shërbejnë Zotit dhe të bëjnë dishepuj, për shkak të priftërisë së tyre.

*Si priftërinj, ata duhet ta pastrojnë veten, të ndajnë ungjillin dhe ta përforcojnë ungjillin duke drejtuar shërbesat, inkurajuar dhe ndërmjetësuar për të tjerët. Të gjithë besimtarët janë priftërinj, por jo të gjithë priftërinjtë shërbejnë në role drejtuese. Sipas Efesianëve 4:11-13, detyra e drejtuesve është të pajisë apo trajnojë priftërinjtë për të bërë shërbesën. Besimtarët e **NDËRTOJNË** kishën e Krishtit dhe e zgjerojnë Mbretërinë e Tij kudo që shkojnë. Në ditën e parë si besimtar, pasi merr dhuratën e Shpirtit të Shenjtë, besimtari i ri bëhet prift. Ne duhet ta trajnojmë dhe fuqizojmë atë person për të jetuar sipas thirrjes së tij të priftërisë.*

Përgatitja për Mision (20 min)

- ☐ Në grupe të vogla, kërkojini çdo pjesëmarrësi të **Vlerësojë** pikat e forta dhe të dobëta në jetën e vet në fushën e përballjes me Mësimet e Rreme dhe të **Hartojë një Plan** për t'u përmirësuar në këtë fushë:
 - A po ia dilni mbanë të jetoni sipas faktit që ju jeni një prift?
 - A po e jetoni siç duhet rolin tuaj drejtues duke pajisur, trajnuar dhe fuqizuar personat në grupin apo kishën tuaj, për të shërbyer si priftërinj?
- ☐ Shkruani deklaratat "Unë do të ____ më datë ____". Përfshini "Kujt do t'ia shpjegoni këtë mësim?"
- ☐ Praktikoni ndonjë aftësi shtesë që mund t'u shërbejë drejtuesve për të drejtuar grupet e tyre apo të fillojnë një grup të ri.

Dërgimi i Punëtorëve

- ☐ Përforconi vizionin e përgjithshëm: një kishë ose komuniteti i besimit për çdo 1,000 persona.
- ☐ Kaloni kohë në lutje:
 - dorëzoni Zotit qëllimet e gjithsecilit;
 - që Perëndia të ngrejë një lëvizje kishash;
 - për më shumë punëtorë për të korrat.